

Broj: 01 -331-1 /21

Datum: 12.02.2021. godine

Na osnovu člana 20a. Zakona o izmjenama i dopunama Zakona o radu ("Službene novine Federacije Bosne i Hercegovine", broj: 89/18), člana 4. Uredbe o postupku prijema u radni odnos u javnom sektoru u Tuzlanskom kantonu ("Službene novine Tuzlanskog kantona", broj 4/19, 4/20 i 11/20), člana 50. Statuta (broj: 02-6-2/13 od 28.06.2013. godine i 02-8-2/16 od 30.08.2016. godine), člana 16. Pravilnika o radu JZU Dom zdravlja Gračanica (broj: 02-4-2/17 od 28.04.2017. godine, zajedno sa izmjenama i dopunama istog) i Odluke direktora broj: 01-333/21 od 09.02.2021. godine, Javna zdravstvena ustanova (u daljem tekstu JZU) Dom zdravlja Gračanica, sa sjedištem u Gračanici, u ulici Mehmeda Ahmedbegovića br. 50, raspisuje i objavljuje

JAVNI OGLAS

za popunu upražnjenih radnih mjesta

I

Javna zdravstvena ustanova Dom zdravlja Gračanica, sa sjedištem u Gračanici u ulici Mehmeda Ahmedbegovića br. 50, vrši prijem radnika radi zasnivanja radnog odnosa na neodređeno i određeno vrijeme sa punim radnim vremenom. Prijem radnika se vrši na sljedeća radna mjesta:

1. Doktori medicine za rad u Službi hitne medicinske pomoći - 2 izvršioca na neodređeno vrijeme, uz probni rad od 3 mjeseca;
2. Doktor medicine za rad u Službi hitne medicinske pomoći - 1 izvršilac na određeno vrijeme u trajanju 12 mjeseci;
3. Doktor medicine za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom) - dva izvršioca na neodređeno vrijeme, uz probni rad od 3 mjeseca;
4. Medicinske sestre/tehničari za rad u Službi porodične medicine i zdravstvene njege u zajednici i vanbolničke palijativne njege - dva izvršioca na neodređeno vrijeme uz probni rad od 3 mjeseca;
5. Medicinska sestra-tehničar za rad u Službi za specijalističko-konsultativnu djelatnost (Odsjek interne medicine) - jedan izvršilac na neodređeno vrijeme, uz probni rad od 3 mjeseca;
6. Medicinske sestre-tehničari za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom) - dva izvršioca, na određeno vrijeme u trajanju 24 mjeseca, uz probni rad od 3 mjeseca.

II

Kandidati koji se prijavljuju na Oglas, obavezni su ispunjavati opšte uslove i posebne uslove Oglasa i to:

Opšti uslovi

- da su državljani BiH;

- da su zdravstveno sposobni za obavljanje poslova za koje se prijavljuju (ljezarsko uvjerenje naknadno prilaže izabrani kandidat).

Posebni / uslovi

Kandidati koji se prijavljuju na radno mjesto pod rednim brojem **1. i 2. - Doktor medicine za rad u Službi hitne medicinske pomoći** trebaju ispunjavati sljedeće posebne uslove:

- da imaju završen medicinski fakultet/360 ECTS bodova
- da imaju položen stručni ispit
- da imaju položen specijalistički ispit iz urgentne medicine
- da posjeduju važeće Odobrenje za obavljanje samostalnog rada (licenca) izdato od strane nadležne ljezarske komore

ili

- da imaju završen medicinski fakultet/360 ECTS bodova
- da imaju položen stručni ispit
- da imaju položen specijalistički ispit iz opće medicine, porodične medicine, interne medicine, pedijatrije, opće hirurgije, anesteziologije i reanimatologije
- da imaju završenu edukaciju iz oblasti hitne medicinske pomoći (završen ALS kurs)
- da posjeduju važeće Odobrenje za obavljanje samostalnog rada (licenca) izdato od strane nadležne ljezarske komore

ili

- da imaju završen medicinski fakultet/360 ECTS bodova
- da imaju položen stručni ispit
- da imaju završenu edukaciju iz oblasti hitne medicinske pomoći (završen ALS kurs)
- da posjeduju važeće Odobrenje za obavljanje samostalnog rada (licenca) izdato od strane nadležne ljezarske komore

Kandidati koji se prijavljuju na radno mjesto pod rednim brojem **3. - Doktor medicine za rad u Službi za zdravstvenu zaštitu stanovništva preko 19 godina** (koje nije obuhvaćeno porodičnom medicinom) trebaju ispunjavati sljedeće posebne uslove:

- da imaju završen medicinski fakultet/360 ECTS bodova
- da imaju položen stručni ispit
- da posjeduju važeće Odobrenje za obavljanje samostalnog rada (licenca) izdato od strane nadležne ljezarske komore

Kandidati koji se prijavljuju na radno mjesto pod rednim brojem **4., 5. i 6. - Medicinske sestre/tehničari za rad u Službi porodične medicine i zdravstvene njege u zajednici i vanbolničke palijativne njege, Medicinska sestra/tehničar za rad u Službi za specijalističko-konsultativnu djelatnost (Odsjek interne medicine) te Medicinske sestre-tehničari za rad u Službi za zdravstvenu zaštitu stanovništva preko 19 godina** (koje nije obuhvaćeno porodičnom medicinom) trebaju ispunjavati sljedeće posebne uslove:

- SSS Srednja medicinska škola
- Položen stručni ispit
- Važeće Odobrenje za obavljanje samostalnog rada (licenca) izdato od strane nadležne komore

Ispunjenost opštih i posebnih uslova Javnog oglasa računa se danom predaje prijave na Javni oglas.

III

Kratak opis poslova radnog mjesta:

Doktor medicine u Službi hitne medicinske pomoći vrši ljezarske preglede povrijeđenog/oboljelog; pruža hitnu medicinsku pomoć u Službi hitne medicinske pomoći ili na terenu, vrši pripremu pacijenta za obavljanje intervencije i transport, primjenjuje

medikamentozne i druge terapije, zbrinjava povrijeđenog/oboljelog, vodi neophodnu medicinsku dokumentaciju u skladu s propisima iz oblasti zdravstva.

Doktor medicine za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom) identifikuje faktore koji mogu ugroziti zdravlje, vrši preglede kojim se utvrđuje postojanje ili nepostojanje tjelesnih, odnosno psihičkih bolesti, tjelesnih oštećenja ili anomalija te vrši procjenu takvih stanja pomoću medicinskih dijagnostičkih instrumenata, postupaka i sredstava; utvrđuje potrebu i upućuje na dijagnostička i funkcionalna ispitivanja; vrši liječenje i rehabilitaciju, propisuje lijekove i medicinska sredstva u skladu sa propisima o lijekovima i medicinskim sredstvima, pruža usluge liječenja i intervencije, evidentira i prijavljuje zarazne bolesti i hronične nezarazne bolesti, vrši incizije abscesa, panaricija ili karbunkula.

Medicinska sestra/tehničar za rad u Službi porodične medicine i zdravstvene njege u zajednici i vanbolničke palijativne njege, za rad u u Službi za specijalističko-konsultativnu djelatnost (Odsjek interne medicine) te za rad u Službi za zdravstvenu zaštitu stanovništva preko 19 godina (koje nije obuhvaćeno porodičnom medicinom) vrše prijem i provjeru zdravstvenih legitimacija i identiteta pacijenta; evidentira potrebne podatke u medicinsku dokumentaciju; priprema pacijenta za pregled, priprema materijal, priprema instrumente i sredstva za obavljanje pregleda, asistira pri pregledu; pruža hitnu medicinsku pomoć u skladu sa svojim kompetencijama; vrši trijažu pacijenata za ljekarski pregled; primjenjuje, provodi i evidentira od doktora medicine ordinirane lokalne, peroralne i parenteralne terapije; vrši previjanje rana, inhaliranje, ispiranje uha i druge poslove iz domena medicinskog tehničara; preduzima mjere na zbrinjavanju bolesnika kod šoka i kolapsnih stanja; vrši sterilizaciju instrumenata, materijala i drugih sredstava za rad; obavlja i druge poslove u okviru svog zvanja i struke.

IV

Radni odnos se zasniva na neodređeno vrijeme za radna mjesta pod rednim brojem **1.,3., 4. i 5.** uz probni rad od 3 mjeseca.

Za radno mjesto pod rednim brojem **2.** radni odnos se zasniva na određeno vrijeme u trajanju 12 mjeseci.

Za radno mjesto pod rednim brojem **6.** radni odnos se zasniva na određeno vrijeme u trajanju 24 mjeseca uz probni rad od 3 mjeseca.

V

Dokazi o ispunjavanju općih i posebnih uslova:

Prilikom prijave na Javni oglas, kandidati su obavezni uredno popuniti i svojeručno potpisati **Prijavni obrazac** (koji se može preuzeti sa web stranice www.dzgracanica.com ili u prostorijama uprave JZU Dom zdravlja Gračanica) i uz isti dostaviti sljedeću dokumenaciju kojom dokazuju *ispunjavanje općih i posebnih uslova*:

- a) **Izvod iz matične knjige rođenih ;**
- b) **Uvjerenje o državljanstvu (ne starije od 6 mjeseci);**
- c) **CIPS-ova prijava o prebivalištu - PBA 3 obrazac;**
- d) **Dokaz o stečenoj stručnoj spremi - diploma/svjedočanstvo;**
- e) **Uvjerenje o položenom stručnom ispitu;**
- f) **Uvjerenje o položenom specijalističkom ispitu, odnosno važeći certifikat o završenom ALS kursu za radna mjesta pod rednim brojem 1. i 2. (certifikat o završenom ALS kursu mora biti validan po pitanju roka važenja)**
- g) **Važeće Odobrenje za obavljanje samostalnog rada / licenca**
- h) **Ljekarsko uvjerenje – naknadno dostavlja izabrani kandidat;**

Kandidati koji ostvaruju pravo na prioritet pri zapošljavanju u skladu sa Zakonom o dopunskim pravima branilaca i članova njihovih porodica ("Službene novine Tuzlanskog kantona",broj: 5/12 - prečišćeni tekst, 5/14, 12/16 i 6/20), isti mogu ostvariti samo ako uz prijavu dostave i dokaz da se nalaze na evidenciji Službe za zapošljavanje kao nezaposlene osobe

(ne starije od mjesec dana od dana raspisivanja Javnog oglasa), potvrdu nadležnog organa o priznatom statusu branioca, odnosno člana porodice branioca, te izjavu da im radni odnos, zasnovano po osnovu ranije ostvarenog prioriteta pri zapošljavanju, nije prestao njihovom krivicom ili da po prestanku radnog odnosa nisu ostvarili pravo na otpremninu, odnosno da nisu korisnici prava na porodičnu penziju.

Kandidati koji dokazuju prava prema Zakonu o dopunskim pravima branitelja i članova njihovih obitelji Tuzlanskog kantona **prednost pri zapošljavanju nad ostalim kandidatima će ostvariti pod uslovom, kada imaju jednak broj bodova** po prethodno obavljenom bodovanju, odnosno provjeri znanja putem pismenog testiranja i intervjuja.

Kandidati koji po nekom drugom posebnom zakonu imaju prioritet u zapošljavanju, uz Prijavni obrazac trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost.

VI

Podnošenje prijava

Uredno popunjen i svojeručno potpisan Prijavni obrazac, sa svim traženim dokumentima, podnosi se u roku od 8 dana od dana objavljivanja ovog Oglasa, odnosno od dana njegove posljednje objave.

Javni oglas će biti objavljen u Dnevnom listu „Oslobođenje“ te na web stranicama JU Službe za zapošljavanje Tuzlanskog kantona i Javne zdravstvene ustanove Dom zdravlja Gračanica.

Napomena:

Samo izabrani kandidati će biti u obavezi da u određenom roku dostavi ljekarsko uvjerenje kao dokaz da njihovo zdravstveno stanje i psihofizičke sposobnosti odgovaraju uslovima radnog mjesta za koje se raspisuje javni oglas.

Ispunjavanje uslova utvrđenih ovim Javnim oglasom računa se sa danom predaje prijave.

Neblagovremene, nepotpune i neuredne, zatim prijave kandidata koji ne ispunjavaju uslove Javnog oglasa neće biti razmatrane.

Komisija će u pisanoj formi zaključkom obavijestiti kandidate koji nisu dostavili blagovremenu, potpunu i urednu dokumentaciju, i takvi kandidati ne mogu učestvovati u daljoj proceduri izbora kandidata.

Podnosilac neblagovremene, nepotpune ili neuredne prijave nije učesnik Javnog oglasa i nema procesnu legitimaciju za pobijanje odluke o izboru kandidata ili čitavog postupka za zasnivanje radnog odnosa, pred Upravnim odborom Ustanove, odnosno pred nadležnim sudom.

*Prijava na Oglas se dostavlja u zatvorenoj koverti lično ili putem pošte,
na adresu:*

*Javna zdravstvena ustanova Dom zdravlja Gračanica, ulica Mehmeda Ahmedbegovića br. 50,
Gračanica sa obaveznom naznakom:*

*„Prijava na Javni oglas o prijemu radnika u radni odnos na radno mjesto _____
(upisati radno mjesto za koje se podnosi prijava)*

„Ne otvarati – Otvara Komisija“

Svi dokumenti uz Prijavni obrazac na Oglas, prilažu se u originalu ili ovjerenoj kopiji ne starijoj od 6 mjeseci.

Proces izbora kandidata za prijem u radni odnos na navedena radna mjesta provest će se održavanjem pismenog i usmenog ispita sa svakim od prijavljenih kandidata čije prijave budu blagovremene, potpune i uredne.

Komisija za izbor kandidata za prijem u radni odnos će pisanim putem obavijestiti kandidate, čije su prijave uredne, potpune i blagovremene, o mjestu i vremenu održavanja pismenog ispita i usmenog ispita.

Izabrani kandidat će biti u obavezi da, najkasnije u roku od osam dana od dana konačnosti odluke o prijemu u radni odnos, dostavi ljekarsko uvjerenje kao dokaz da njegovo zdravstveno stanje odgovara uslovima radnog mjesta za koje je izabran.

JZU Dom zdravlja Gračanica nema obavezu vraćanja dokumentacije kandidatima.



Miroslav Ustavdić Šadić
mr sc. Miroslav Ustavdić Šadić,
spec. porodične medicine